

Akilerarusiinernik Aalajangiisartut aalajangiinerat

Kinaassutsimut uppersaat: 2017-23274
Aalajangiineqarpoq: 10. Oktober 2018
Aalajangiinerup tamanut saqqummiunneqarnera:
Ukioq aningaasarsiorfiusoq: 2014
Sammisaq: Akileraarutit
Sammisami oqaaseq: Attartortitsineq, nammineq attartornerup nalinga

Eqikkaaneq

Illup arlalinnik inissiertallip attartortinneri isertitat aamma nammineq attartornerup nalingata akileraruserneqarnerat pillugu naammagittaalliut. Piffissani attartortitsinermut isertitalinnut taamaallaat ingerlat-sinermut aningaasartuutitut ilanngaammik Akileraarnermut Aqutsisoqarfik tunniussaqaarnikuvoq.

Ukioq aningaasarsiorfiusoq tamakkerlugu aningaasartuutitut ilanngaam aamma peqatigitillugu nammineq inigisamut attartornerup nalinganik naammagittaalliuteqartoq akileraaruserlugu Akilerarusiinernik Aalajangiisartut akuersissutigaa.

Suliami pissutsit piviusut

Naammagittaallioq illumi ilaqutariinnut arlalinnut inissiami pingasunik A, B aamma C-imik inissiertalimmi najugaqarpoq.

Ukioq aningaasarsiorfik 2014-imi ukiorlu aningaasarsiorfik tulliuqqoq adressimi nalunaarsukkatut naammagittaallioq kisimi najugaqarpoq. Ukioq aningaasarsiorfiusoq 2013-imi piffissami marsimit juulimut 2013-imi inissiaq B inunnut allanut marlunnut najugaqarfineqartutut nalunaarsorneqarpoq.

Ukioq aningaasarsiorfiusoq 2014-imi ilanngaattissat tamaasa ilanngaatigereerlugit isertitat 10 kr.-niusut naammagittaallioq nammineq nalunaarutigaa. Inissianut B-mut C-mullu attartortitsinermut naatsorsuutit nammineerluni nalunaarsuinerlut ilanngunneqarput. Inissiaq A naammagittaallioq inigaa. Inissiaq B 2014-imi qaammatini sisamani attartortinneqarpoq. Inissiaq C attartortinneqanngilaq.

Akileraarnermut Aqutsisoqarfiup aningaasartuutit ilanngaatigineqartut piffissanut assigiinngitsunut naleqquttumik agguataarpai, aningaasartuutillu inissiap B-p attartortinneranut naleqqiunneqarsinnaasut taamaallaat ilanngaatitut akuersissutigalugit. Takukkit Aningaasarsianit akileraarutit pillugit Inatsisartut inatsisaanni nr. 12, 2. novembari 2006-imeersumi §§-it 14 aamma 24.

Naammagittaalliuuteqartup isumaa

Naammagittaalliuuteqartoq isumaqarsimavoq attartotitsinermit aningaasartuutit nammineerluni nalunaarutigineqartut ilanngaatigineqartussaasut

- Periarfissaqartillugu attartortitsisinnaajumalluni ukioq tamaat ingerlatsinermit aningaasartuuteqarpoq.
- Ingerlatsinermit aningaasartuutit ukiumut akilernerinut ilanngaammut § 24 attuumassuteqarpoq qaammatikkaartumillu ilanngaataanatik.
- Inatsisip suup erseqqissaavigaa, ukiup ingerlanerani piffissani aalajangersimasuni isertitaqarfiusuni taamaallaat ilanngaateqartassasoq?
- Inuussutissarsiummut sillimasiinermit akilersuut ukiumut ilivitsumut atuuppoq, qanormi taava qaammatinut isertitaqarfiusuinnarnut taamaallaat suliffeqarfik ilanngaateqassava?

Inatsisitigut malittarisassanut inatsisitigullu periaatsinut innersuussinerit

Inissiamit aningaasarsiat akileraaruteqaataasussat:

Namminerisamik najugaqarfik

Nammineq illumi inigisap aningaasatigut nalinga illu inissiamik taamaallaat immikkoortoqarpat piginnittumit inigisatut atorneqartumik akileraaruserneqassanngilaq. Illu arlalinnik inissiaqarpat imaluunniit illup anner-tussusiata affaa sinnerlugu piginnittumit inuussutissarsiornermi suliffeqarfittut atorneqarpat, nammineq illumi inigisap aningaasatigut nalinga akileraarutaasussaassaaq. Takukkit Aningaasarsianit akileraarutit pillugit Inatsisartut inatsisaanni nr. 12, 2. novembari 2006-imeersumi §§ 14 imm. 1 nr. 4 aamma 34 imm. 1 nr. 5 aamma § 34-imut nassuiaatit.

Akileraaruteqaataasussaap nalinga tassaavoq piffissami tunineqassaguni nalinga. Akeqanngitsumik ineqar-nerup nalingata aalajangersarneranut niuerfimmi piffissami tunineqassaguni nalinga pissarsiassaangik-kaangat Naalakkersuisut akigititaat suleriaatsimi atorneqartarput. Ukiumut aningaasarsiorfiusumut 2014-mut Akileraartarnermut Aqutsisoqarfiup Nalunaarut nr. 75, 4 oktobari 2013-imeersumi nalunaarutigai. Innersuus-sutaavoq sanioqqunneqarsinnaasoq inigisaq immikkut pitsaalluinnarpat imaluunniit immikkut ajorluinnarpat .

Inissiamik attartortitsineq:

Inissiamik attartortitsinermit isertitat akileraaruteqaataasussaapput, takuuk Aningaasarsianit akileraarutit pil-lugit Inatsisartut inatsisaat nr. 12, 2. november 2006-imeersumi § 14 imm. 1 nr. 2.

Aningaasartuutit:

Isertitani akileraaruteqaataasussani aningaasartuutit akilikkat aningaasartuutit ingerlatsinermi aningaasartuutit isigineqarsinnaappata ilanngaatigineqarsinnaapput.

Isertitanik pissarsinermi aningaasartuutit ilanngaatinut malittarisassat Aningaasarsianit akileraarutit pillugit Inatsisartut inatsisaat nr. 12, 2. november 2006-imeersumi § 24 imm. 1-imi takuneqarsinnaapput.

§ 24. Aningaasarsiat akileraaruteqaataasussat naatsorsorneranni ilanngaatigineqarsinnaapput:

- 1) Ingerlatsinermi aningaasartuutit, tassa imaappoq aningaasarsiat piniarnerannut, isumannaalliniarnerannut allanngutsaaliorniarnullu ukiup ingerlanerani akissaajaataasimasut, taakkununga ilanngullugit akileraartarnermi nalikilliliinerit. Akileraartarnermi nalikilliliinerit maleruagassiat aammalu pigisat nalikillilerneqarsinnaasut allamut tunineranni il.il. iluanaarutit annasaqaatilluunniit akileraartarnermut tunngasumik suliarineranni maleruagassat naalakkersuisut aalajangissavaat,
- 2) aningaasat akileraartussaaitap pigisaanik, iluanaarutitaat aningaasarsiatut isigineqartunik, allanngutsaaliuinermit sillimmasiinermulluunniit atorneqarsimasut, aammalu
- 3) akiitsut erniaat, taakkunungalugu atatillugu sullissinermit matusissutissatut ingerlaavartumik ernialiuttakkat (løbende provision).

Akileraarusiinernik Aalajangiisartut aalajangiinerat tunngavilersuinerallu

Illu arlalinnik inssiartaqarsimappat, piginnittoq ineqartutut nalunaarsimangippat, inssiattartortikkatut aallaavittut isigineqassaaq.

Suliffeqarfik maannakkut ingerlasutut isigineqarpat, piffissani isertaqarfiusuinnaangitsuni, isertitat amigarnerinut ingerlatsinermit tunngatillugu tunngavissaqarpat aningaasartuutit ilanngaat killilerneqassaaq. Kisiannila ima pisoqarsinnaavoq, attartortitsinermit ingerlatsineq ukiup aningaasarsiorfiusup qeqqani aatsaat aallartittoq taamaassappallu ukiup ilaani suliffeqarfiup ingerlanneqarnerani ilanngaat taamaallaat akuerineqarsinnaavoq. Taamaattumik ukiumi ingerlatsinermit aningaasartuutit isertitaqarsimanersoq isertitaqarsimanginnorsorluunniit apeqqutaatinnagu ilanngaat akuerineqassasoq naammagittaalliorloq taperserineqarpoq.

Nammineq illumi inigisap aningaasatigut nalinga malittarisap pingaarnertut tamatigut Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi § 14 nr. 4 naapertorlugu akileraarutaasussaavoq. Inatsimmi aamma tassani 34 nr. 5-imi malittarisap pingaarnermut ilanngunneqanngilaq, pissutugalugu nammineq inigisap ataasiinnarmik inssiartalimmi illumiippat nammineq attartornerup nalinga akileraaruserneqartangimmat.

Naammagittaalliortup illuutaa pingasunik inissiartaqarpoq taamaattumillu nammineq illuutigisami inigisaq inissiat nalinganut akileraarutinin akiliissaaq. Inissiat A aamma C nammineq atukkatut isigineqarput, inissiaq B kisiat attartortinneqarsimammat. Illumi inissiat allat attartorneqarsimanersut imaluunniit attartorneqarsimannginersut akileraarusiinermin apeqqutaanngilaq. Inissiat allat ataaseq amerlanerusulluunniit attartortinneqarpata, attartornerup nammineq nalinganut akileraartut attartornermut isertitavinnit taarserneqassaaq. Taamaalilluni inissiaq B-mut attartornermut nammineq nalinga attartortitsinermit isertitat pillugit aningaasartuutinin taakkununngalu ilaasunut ilanngaammik naammagittaalliortup paasissutissiineratut taarserneqarpoq.

Taamaattumik inissiat taakku marluk attartornermut nammineq nalingat naatsorsorneqarpoq. Inissiap nammineq nalinga akileraaruserneqarpat, taarsiullugu aningaasartuutinin taakkununngalu ilaasunut aamma ilanngaateqarpoq, atuinermulli aningaasartuutit ilaangillat, peqatigitillugu nammineq inigisap nalinga naatsorsuinermin ilaasimanngippat.

Naalakkersuisut akigititaat aningaasartuutinin uppersaasikkanik ilanngaatalik malillugu attartornerup nalingatut naatsorsugaq attartornerup nammineq nalinganik naammagittaalliortup attartortitsinermit isertitatut nammineq nalunaarutaa qaffanneqassaaq.

Inatsisitigut tunngavigisaq: Akileraaruserinermik ingerlatsineq pillugu Inatsisartut inatsisaat nr. 11 2. november 2006-imeersumi §§ 2 aamma 71 imm. 5.

Aningaasarsianit akileraarutit pillugit Inatsisartut inatsisaanni nr. 12, 14 november 2006-imeersumi §§ 14, 23 24 40 aamma 42

Akileraartarnermut Aqutsisoqarfiup Nalunaarutaa nr. 75, 4, oktobari 2013-imeersoq.